

AAQQISSERT

Aalajangiiffigisassatut siunnersuut 19. marts 2012-imik, kukkusumik oqaatsinik toqqaaneq pissutigalugn.

Aningaasalersuineramik ingerlatsineq pillugu inatsisip Kalaallit Nunaannut atuutilersinneqarnissaanik peqqussut , pappiaranik nalilinnik niuerneq pillugu inatsit, allanngortinneqarnissaanik siunnersuut § 4 aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsip, aningaasanik sullissineq pillugu inatsip, pappiaranik nalilinnik il.il. niuerneq pillugu inatsisip, aningaasaqarniarnikkut patajaatsuussuseq pillugu inatsisip aamma akileraartarneq pillugu inatsisip allanngornissaannut kiisalu Aningaasaliissuteqartunut aningaasaliisunullu qularnaveeqqusiinermut aningaasaateqarfik pillugu inatsisip allanngortinneqarnissaa pillugu inatsisip Kalaallit Nunaannut atortussanngortinneqarnissaa pillugu kunngip peqqussutaa.

Saqqummiussaq

(Inuussutissarsiornermut Aatsitassanullu Naalakkersuisoq)

Siullermeenera

Inatsisissatut siunnersuutit inatsisissatut siunnersuutit ataatsimoortut annertunerusut immikkoortuisa aapparaat, ilaatigullu aningaasanut tunngasunik suliaqartut sullitassat pillugit akuersissutisarisarannut imaluunniit qularnaveeqqusiinernik tiguisararannut kiisalu paasissutissanik katersuiffinnik nakkutilliinermut tunngasuupput. Siunertaq pingaarneq tassaavoq aningaasarsiornikkut ajornartorsiornerup malitsigisaanik suliniutit arlaqartut piviusunngortinnissaat. Taamaasilluni aningaasarsiornikkut ajornartorsiornerup nalaani misilittakkat arlaqartut katersorneqarput, taakkualu qisuariaqarfigineqarlutik.

Aningaasanut tunngasunik suliaqartut pillugit inatsit kunngip peqqussutaatigut nr. 1252, 15. december 2004-meersukkut aningaasanut tunngasunik suliaqartut pillugit inatsit Kalaallit Nunaannut atortussanngortinneqarmalli, Danmarkimi arlaleriarluni allanngortinneqartarsimavoq. Allanguutit taakkuupput maanna aqqissuussinikkut Kalaallit Nunaannut atortussanngortinneqarsinnaasut.

Aningaasanik nalilinnik niuerneq il.il. pillugit inatsit kunngip peqqussutaatigut nr. 208, 17. marts 1997-meersukkut aningaasanik nalilinnik niuerneq il.il. pillugit inatsit Kalaallit Nunaannut atortussanngortinneqarmalli, assigisaanik Danmarkimi arlaleriaqaluni allanngortinneqartarsimavoq. Allanguutit taakku aamma Kalaallit Nunaannut maanna atortussanngortinneqarsinnaalissapput.

Aningaasaliissuteqartunut aningaasaliisunullu qularnaveeqqusiinermut inatsimmi allannguutit tassaapput, aningaaseriviit ingerlalluartut qanoq ilillutik aningaaserivinnik ingerlanerliortunik tiguisinnaanersut Qularnaveeqqusiinermut Aningaasaateqarfimmit aningaasanik tapiiffigineqarnermikkut.

Aningaasaqarnermut tunngasunik suliaqartunut ataatsimoorussamik sinaakkusiussat Naalagaaffeqatigiinnermi aningaaseriviit sinnerisa tamarmik malittussaasaasa avataannut

Kalaallit Nunaata inissinnginnissaata tunngaviusumik pingaaruteqarnera GrønlandsBANKEN-imit tikkuarneqarpoq. Avataaniinnerup kingunerissavaa, Kalaallit Nunaanni aningaaseriviit aningaaserivinnut assigisaminnut allanut naleqqiullutik ulorianartorsiornerusutut isigineqalersinnaanerat. Kalaallit Nunaanni aningaaseriviit suliamik ingerlatsisuni namminersortunilu aningaasaliissuteqarsinnaasunik nassaarniarsinnaanerannut sunniuteqassaaq, taamaasillunilu kalaallit suliffeqarfiinut angerlarsimaffinnullu attartornermi atugassarititaasut ajornerulissallutik. Taamaattumik aningaasaqarnermut tunngasunik suliaqartunut ataatsimoorussamik sinaakkusiussanut Kalaallit Nunaata ilaatinnissaa kikkunnut tamanut iluaqutaasussaavoq.

Tamanna tunuliaqutaralugu Naalakkersuisut kaammattuutigaat aningaasanut tunngasunik suliaqartut pillugit inatsimmut aamma pappialanik nalilinnik niuerneq pillugu inatsimmut siunnersuutit marluusut atortussanngortinnissaannut siunnersuutit, aningaasaliissuteqartunut aningaasaliisunullu qularnaveeqqusiinermut aningaasaateqarfik pillugu kunngip peqqussutaatigut Kalaallit Nunaannut atortussanngortinneqarnissaat pillugu Inatsisartut aalajangissasut.